

As fragas son bosques mixtos caducifolios, autóctonos de Galicia, dominados polo carballo. De alto valor ecolóxico pola súa biodiversidade, conteñen cualidades paisaxísticas sobranceiras, entre outras a súa espectacular variación estacional.

A vexetación das fragas expandiuse despois das últimas glaciacións, hai uns 10.000 anos. Nas fragas mellor desenvolvidas, o estrato arbóreo é o máis importante, seguido do estrato arbustivo, o herbáceo e o muscinal. O estrato herbáceo contén unha ampla variedade de fentos. A caída das follas no outono orixina solos profundos, húmidos e ricos.

Cara ao s. X fundouse o mosteiro de San Xoán de Caaveiro, para agrupar os eremitas desperdigados polas fragas. Ese mosteiro organizou o territorio durante séculos.

VISTA DO MOSTEIRO DE SAN XOÁN DE CAAVEIRO DESDE A FRAGA DAS VIÑAS



MOSTEIRO DE SAN XOÁN DE CAAVEIRO



FRAGAS DO EUME. RESTOS DOS MUÍÑOS DO MOSTEIRO DE CAAVEIRO



PEQUENA ALDEA COS SEUS ESPAZOS DE PRADOS, HORTAS E BOSQUES



O Parque comprende non só o canón do Eume senón as superficies achairadas circundantes, onde hai aldeas, con hortas, prados e plantacións de piñeiros, eucaliptos e mimosas.

CENTRAL DE VENTUREIRA



FRAGAS DO EUME. VISTA DO ENCORO DESDE O MIRADOR DA CABRUEIRA



Durante o s. XX o río Eume foi intensamente aproveitado para producir enerxía hidroeléctrica, con grandes e pequenos encoros (minicentraís) ao longo do seu percorrido. As modificacións paisaxísticas que introducen son moi notables: extensas superficies asolagadas, levadas, novos edificios, liñas eléctricas, etc.

CANÓN DO EUME



O profundo canón polo que descorre o río Eume está ocupado polas fragas, pero ás veces hai treitos nos que as rochas graníticas e os xistos da Era Primaria aparecen espidos. Os cantís resultantes acadan os 300 m de desnivel.

FIEITO



Están catalogados 28 especies de fieitos. Algúns son únicos e están protexidos xa que son fósiles vivos do Terciario, un período cálido no que a actual Galicia estaba cuberta de bosques tropicais.

INTERIOR DAS FRAGAS



O carballo, dominante, está acompañado doutras árbores caducifolias: bidueiros, freixos, castiñeiros, abelairas ou amieiros. Tamén se dan algunhas perennes, como os loureiros ou os acivros.



10.000 ANOS CUATERNARIA (NEOZOICO)